



Warga UMP sumbang 16,865.85 bantu mangsa kemanusiaan Somalia

Krisis kebuluran dan bencana yang menimpa rakyat Somalia mendapat perhatian warga Universiti Malaysia Pahang (UMP) apabila sejumlah RM 16,865.85 berjaya dikumpul hasil sumbangan daripada warga UMP.

Menurut Naib Canselor UMP, Profesor Dato' Dr. Daing Nasir Ibrahim, sumbangan tersebut adalah atas dasar keprihatinan warga UMP terhadap bencana ini.

"Saya turut berbangga dengan komitmen warga universiti dalam sama-sama menyumbang untuk meringankan beban terhadap mangsa kemanusiaan Somalia ini," katanya semasa menyampaikan mock cek kepada Pengurus Jualan NSTP Cawangan Pantai Timur, Fauzi Abdul Hamid pada 28 Disember 2011 yang lalu.

Hadir menyaksikan serahan sumbangan, Timbalan Naib Canselor (Akademik & Antarabangsa), Profesor Dr. Badhrulhisham Abdul Aziz dan Penolong Naib Canselor (Hal Ehwal Pelajar & Alumni), Profesor Dr. Yuserrie Zainuddin.